

Мана белг

Красноярск крайини Ужурск махна комбинатин кӧдлмшчир болн инженерн-техническ кӧдлӧчир шин джилнг производствени шин дилврӧр тосв. Ужурск комбинат, Красноярск экономическ районд тӱрӱн болдж джилӧ зурагъан кӱцӧв. Мах болн махна хот-хол келгӧнӧ государственн зура 106,8 процент кӱцӧгдв.

Ужурск махна комбинатин коллектив джилӧ государственн зурагъан болзгаснь урд кӱцӧсн тӧлӧдӧн КПСС-н Красноярск крайкомин болн крайин кӱцӧгч комитетин шиидврӧр крайини Кундтӧ доскд орсмн. Красноярск экономическ района олн-ӧмтнӧ эдл-ахун Совет болхла, комбинатиг тӱрӱн мӧрӧсин негӧр—10 миньгън арслнь мӧнъгӧр ачлла.

Комбинатин коллективин ӧрӧл шахунь хальмг улс. Эдн комбинатин талдан кесг келн улсла ах-дӱ болдж шунлтта кевӧр кӧдлӧд, кӧдлмшин ӱлгӱр ӱзӱлдж йовна. Эднӧ кесгнь, кӧдлмшин кемджӧгъӧн данъгин давулдж кӱцӧдг тӧлӧдӧн Кундлгънӧ грамотар болн ӱнтӧ мӧрӧгӧр ачлгдцхав. Кундлгънӧ грамотар ачлгдсн кӧдлӧчир заагт Эрендженов Церен, Наранов Эльфрид, Цебеков Александр, Бортаева Мария, Басангова Эльза, Бадмаева Кемӧ ахта йовна.

Комбинатин кӧдлмшчир болн церглӧчир, инженерн-техническ кӧдлӧчир шин 1958 джилин зураг бас ӱзмджтӧ кевӧр кӱцахин тӧлӧ соцдӧрлдӧ кедж, улм шунлтта ноолда кедж йовна.

П. О. ОЧИРОВ,

Ужурск махна комбинатин эклц партийн организацин сеглӧтр.